

✓  
NUMMER 261

# KOBLENZ

Koblenzer Mundart:

## **Zom Elfte em Elfte**

Dunkle Wolke, Newelschleier  
holle ons dat Sonnelicht,  
dä November hat kei Feuer,  
treef on grau es sei Gesicht.

On die Mensche were steller,  
met dem Laub fällt och dä Schwung,  
langsamer gieht dä Propeller  
en der Brost bei ahl on jung.

Vom Kalenner doht mer plecke  
Daach fier Daach e Bläddche ab,  
on dat Johr gieht schuns off Krecke,  
es su dönn, verwelkt on schlapp.

Doch dä Herbst hat och noch Naube,  
manchmol korz vur halwer zwölf  
doht ä sich en Witz erlaube,  
schäkert met der „geckisch Elf“.

Heut han mir en Grond zom Lache  
iwer die verröckte Zahl:  
zweimol elf lockt raus die Narre,  
proklamiere - Karneval!

Drom „Ohlau“, ihr Jokusstädter,  
hölht die Narrekapp herbei,  
stellt die Stimmung off scheen Wedder,  
morje es dä Spaß vurbei.

Katharina Schaaf

Katharina Schaaf 11.11.66